

新刻痰火點雪

新刻痰火點雪卷之三

功集

金谿 應回龔居中 著

弟 體圓 居乾 閱

六味丸方論

六味丸古人制以統治痰火諸證。又謂已病未病並宜服之。此益深得病之與者也。何則。痰火之作。始於水虧火熾。金傷絕其生化之源。乃爾。觀方中君地黃。佐山茱山藥。使以茯苓。牡丹皮。澤瀉者。則主益水清金。敦土之意可知矣。益地黃一味。爲補腎之專品。益水之主味。孰勝此乎。夫所謂益水者。卽所以清金也。惟水足則火自平。而金自清。有子令毋實之義也。所謂清金者。卽所以敦土也。

惟金氣清肅。則木有所畏而土自實。有子受母蔭之義也。而山藥者。則補脾之要品。以脾氣實。則能運化水穀之精微。輸歸腎臟而充精氣。故有補土益水之功也。而其山茱萸。芩丹皮。皆腎經之藥。力助地黃之能。其澤瀉一味。鮐曰。接引諸品歸腎。然方意實非此也。蓋茯苓。澤瀉。皆取其瀉膀胱之邪。古人用補藥。必兼瀉邪。邪去則補藥得力。一闔一闔。此乃玄妙。後世不知此理。專一于補。所以久服。必致偏勝之害。六味之設。何其神哉。經曰。元則害。承廼制之論。正此謂也。謹按諸品性能。贅之分兩之下。以備學者之參考焉。

### 六味丸

治男子五勞七傷。精血虧損。遺盜汗。咳嗽失血。骨蒸潮熱。

虛羸瘦悴等證及治女人傷中胞漏下血瘀血諸候一切痰

火已病未病並皆治之

懷乾地黄

製入兩卽生地黄之乾者其法取懷慶者一斤擇肥者

投酒更搗取汁拌前地黄日中曬或火烘乾惡銅鐵器爲末聽  
用其性氣味甘寒無毒主治男子五勞七傷補五臟內傷不足  
通血脈利耳目益氣力助心膽氣強筋骨長志安魂定魄治心  
肺損吐血衄血血涼血生血補腎水真陰虛骨髓長肌肉生精元  
素曰生則大寒而涼血熱者須用之熱則微溫而補腎血衰  
者須用之又臍下痛屬腎非熱地黃不能除乃通腎經之藥也  
又曰益腎水涼心火其脈洪實者宜之裏脈虛者則宜熟地黃  
假火力蒸九數故能補腎元氣仲景六味丸用之爲諸藥之首  
天一生水之源也湯液四物湯治藏血之臟以之爲君者癸乙  
同歸一治也又曰男子多陰虛宜用熟地黃女子多血熱宜用  
生地黃又云生地黄能生精血天門冬引入所生之處熟地黃  
能補精血用麥門冬引入所補之處虞氏云生地黄黃生血而潤  
氣弱者服之恐妨食熟地黃補血而療火多服之多者恐泥膈  
或云生地黄酒炒則不妨胃熟地黃姜汁炒則不泥膈此皆得

用地黃之  
精微者也

山茱萸肉

酒潤去核只取肉四兩氣味酸平無毒補腎氣壯元氣

秘精氣助水臟煖腰膝興陽道堅陰莖系精氣正老人  
尿多不節益精安五臟通九竅久服明目強力輕身延年王氏  
曰滑則氣脫瀉則所以收之山茱萸止小便利秘精氣取其味  
酸澁以收滑也仲景入味  
丸用之爲君其性可知矣

淮乾山藥

四兩另末氣味甘溫平無毒主治傷中補虛羸去寒熱

邪氣補中益氣力長肌肉強陰久服耳目聰明輕身不  
饑延年下氣止腰痛治虛勞羸瘦充五臟除煩熱補五勞七傷  
除冷風鎮心神安魂魄補心氣不足開達心孔多記事強筋骨  
主泄精健忘益腎氣健脾胃止瀉痢化痰涎潤皮毛凡人體虛  
而羸者加而用之又曰利丈夫助陰力熱衰和蜜或爲湯煎或  
爲粉並佳乾之入藥更妙惟不宜同麪食東垣曰山藥入手太  
陰仲景入味九用乾山藥以其涼而能補也亦治皮膚乾燥以此  
潤之吳氏曰山藥入手太陰二經補其不足清其虛熱然肺  
爲腎之上源源既有滋流豈無益此入味九所以用其強陰也  
又云食之可  
以辟霧露

牡丹皮

用真者去骨令淨二兩微焙忌鹹或曰乾以銅刀切如

葵治五勞勞氣神志不足無汗之骨蒸助血可血和血生血涼  
血治血中伏火除煩熱女子經脈不通血滯腰痛通關膝血脈  
元素曰牡丹乃天地之精為群花之首葉為陽發生也花為陰  
成實也丹者赤也火也故能瀉陰胞中之火四物湯加之治婦  
人骨蒸又曰牡丹皮入手厥陰足少陰治無汗骨蒸神不足者  
手少陰志不足少陰故入味丸中用之治神志不足也又能治  
腸胃積血吐血動血必用之藥故犀角地黃湯用之李氏曰牡  
丹皮治手足少陰厥陰四經血分伏火益伏火即陰火也陰火  
即相火也古方惟以治相火故腎氣丸用之後人乃專以黃藥  
治相火不知牡丹皮之功更勝也此乃千載秘奧人所不知今  
為拈出赤花者利白花者  
補人亦罕括宜分別之

雲白茯苓

去皮三兩氣味甘平無毒調臟氣伐腎邪長陰益力保

勞七傷開心志止健忘止渴利小便除濕益燥和中益氣潤勝  
肺益脾胃治腎積奔豚丹溪曰陰虛者不宜用

新澤瀉

去根一兩五錢原三兩今減之氣味甘寒無毒主腎虛精  
自泄治五淋宣通水道入腎經去舊水養新水利小便滲

濕熱行痰飲養五臟益氣力肥健消水久服耳目聰明不感  
年輕身面生光能行水上補虛損五臟痞滿起陰氣止泄精清  
小便淋瀝去陰間汗無此疾服之令人目盲宗氏曰澤瀉之功  
長于利水扁鵲曰多服病人眼誠為行去水也凡服澤瀉教人  
未有不小便多者小便既多則諸氣安得復實今人止泄精多不  
敢用之八味丸用之不過接引挂附等藥就腎經別無他意本  
經曰久服明目扁鵲曰以服昏目何也易老曰去脾中留垢以  
其味鹹能潤伏水故也為伏水去留垢故明目小便利腎經虛  
故昏目王履曰宗氏之說王氏隨之切謂八味丸以地黃為君  
餘藥佐之非止補血兼補氣也所以陽旺則能生陰血也又按  
本草正誤謂弘氏曰仙經服食新穀皆用之亦云輕身能步行  
水上頌曰仙方亦單服澤瀉一物擲爛篩末水調日服六兩百  
日體輕而健行水上典術云澤瀉久服能令人輕身日行五百里  
走水上一名澤芝陶蘇皆以為從然愚切疑之澤瀉行水瀉腎  
久服且不可又安有此神功耶其謬可知孟子曰盡信書不如  
無書大抵六味丸用之無乃伐腎邪而已若以之配茯苓丹皮  
各三兩恐走泄太甚余故減半  
俟後之明哲以為何如

右六味各如法製另末用白蜜四兩煉熟以前山藥末攪成  
乾糊爲丸梧子大每百丸清晨滾白湯或淡鹽湯下日二服  
若既病痰火諸證悉具者予加麥門冬二兩五味子一兩若  
相火熾盛咽乾口燥予加黃蘗知母各蜜炒二兩

### 大造丸方論

吳球云紫河車卽胞衣也兒孕胎中臍系于胞胞系母命門受母  
之陰父精母血相應生成具元所鍾故曰河車雖愚後天之形實  
得先天之氣超然非他金石草木之類可比每每用此得效用之  
女人尤妙益本其所自出各從其類也若無子及多生女月水不  
調小產難產人服之必主多子危疾將絕者一二服可更活一二



日其補陰之功極重。百發百中。久服耳聰目明。鬚髮烏黑。延年益壽。有奪造化之功。故名大造丸。用紫河車一具。男用女胎。女用男胎。初生者。米泔洗淨。新瓦焙乾。研末。或以淡酒蒸熟。搗晒研末。氣力尤全。且無火毒。敗龜板。年久者。童便浸二日。酥炙黃二兩。或以童便浸過石上磨淨。蒸熟。搗研尤妙。黃蘗去皮。鹽酒浸炒一兩半。杜仲去皮。酥炙一兩半。牛膝去苗。酒浸晒一兩二錢。肥生地黃二兩半。入砂仁六錢。白茯苓二兩。絹袋盛入瓦罐。酒煮七次。去茯苓。砂仁不用。杵地黃爲膏。聽用。天門冬去心。麥門去心。人參去蘆。各一兩二錢。夏月加五味子七錢。各不犯鉄器爲末。同地黃膏入酒米糊。如小豆大。每服八九十九。空心鹽湯下。冬月酒下。女人去

龜板加當歸二兩以乳煮糊爲丸男子遺精女人帶下並加牡蠣粉一兩

世醫用陽藥滋補非徒無益爲害非小蓋邪火只能動慾不能生  
物龜板黃蘗補陽補陰爲河車之佐加以杜仲補腎強腰牛膝益  
精壯骨四味通爲足少陰經藥名補腎丸也生地黃涼血滋陰得  
茯苓砂仁同黃蘗則少陰白飛霞以此四味爲天一生水丸也天  
麥門冬能保肺氣不令火炎使肺氣下行生水然其性有降無升  
得人參則鼓動元氣有升有降故同地黃爲固本丸也又麥門冬  
人參五味子三味名生脉散皆爲肺經藥此方配合之意大抵以  
金水二臟爲生化之源加河車以成大造之功故也一人病弱陽

事大痿服此二料身體頓異連生四子一婦年六十已衰憊服此  
壽至九十尤強健一人病後不能作聲服此氣壯聲出一人病痿  
足不任地者半年服此後能遠行

痰火雜症補遺

頭痛眩暈

夫頭爲諸陽之首左腦痛屬風與血虛風薄荷荆芥 血虛川

芎當歸 右腦痛屬痰蒼朮半夏 屬熱酒芩爲主 痛甚者

屬火黃芩玄參 頭痛須用川芎如不愈各加引經藥 大陽

川芎 陽明 白芷 少陽 柴胡 太陰 蒼朮 少陰 細辛 厥

陰 吳茱 如苦頭痛必加細辛 頂巔痛須用藁本減川芎

如血氣兩虛頭痛調中益氣湯內加川芎二分 蔓荊子二分

細辛二分

其効如神

大抵痰火頭痛眩暈因火與痰者

多宜加玄參酒苓以清熱勿輕服川芎蔓荊子陳茶爲引更穩  
肩背及腰節痛

肩背痛不可廻顧者此太陽氣鬱而不行也以風藥散之脊痛  
項強腰似折項似拔者此是大陽經不通也肢節痛須用羌活  
如瘦人肢節痛是血虛宜四物內加羌活防風酒炒黃芩黃柏  
如倦怠無力肢節痛加黃芪人參

耳鳴及耳聾

耳聾皆屬於熱須用四物湯降火

耳鳴必用龍薈丸食後服 大抵此症因平昔飲酒厚味上焦  
素有痰火只作清痰降火治之爲當余治耳聾耳鳴每服還少  
丹一料効方見虛損

方古菴曰左耳聾者煩人多有之以其多忿怒故也右耳聾者男  
人多有之以其多色慾故也左右俱聾者膏粱之家多有之以  
其多肥甘故也

### 腰痛

經曰腰以下皆屬腎王濕熱腎虛 瘀血 痰積 挫閃 脉  
大者腎虛 杜仲 龜板 蘇炙 黃柏 知母 枸杞 北五  
味之類爲末猪脊髓和丸服 脉澹者瘀血用補陰丸加桃仁

紅花 脉緩者濕熱 蒼朮 杜仲 黃柏 川芎之類  
痰積者二陳加 南星 半夏 凡諸症屬火不可峻用寒涼  
藥腰痛必用鹿角膠

痞脹

如稟受素弱轉運不調飲食不化而心下痞者宜用 白朮  
山查 神曲 陳皮 心下痞須用只實 黃連 如肥人心  
下痞乃是濕痰宜 蒼朮 半夏 砂仁 茯苓 滑石 如  
瘦人心下痞乃是濕熱宜 只實 黃連 葛根 升麻 枳  
血成窠囊而痞者用 桃仁 紅花 香附 山查子 大黃  
之類

吞酸

乃濕熱積于肝。而出伏于肺胃之間。必以吳茱萸炒黃連爲君。用二陳加此二味。冬月倍吳茱萸。夏月倍黃連爲九。姜湯下。嘈雜惡心嘔吐。

嘈雜者。火動其痰也。宜二陳加黃芩青黛。惡心者。無物無聲。心中欲吐不吐者。是實。非心經之病。皆在胃口上。宜用生薑。化諸藥能開豁胃痰也。嘔吐者。胃中有熱。膈上有痰。二陳湯加炒山支子黃連生姜。

喘及短氣

氣虛短氣而喘者。甚不可用苦寒藥。火氣盛故也。宜導痰湯。千

經湯。

見局方

陰虛自下小腹火起衝於上喘者宜降心火補陰。

有火痰者宜降心火清肺金。

諸喘不止者用椒目研末生薑

湯調下一二錢却止之後因痰治痰因火治火。

又法以羅白

子蒸熟爲君皂角燒灰等分其爲末生薑汁煉蜜丸每五七十

喻化止之氣虛短氣者用人參

蜜炙

黃柏麥冬地骨皮之類消

喘症必用阿膠。

戴云痰喘者喘便有痰聲氣急喘者呼吸急促而無痰聲有胃氣

虛喘者抬肩擗項喘而不休火炎上喘者乍進乍退得食則減食

已則喘人抵胃中有實火膈上有稠痰。

凡喘症上喘下必脹要識標本先喘而後脹者主於肺則喘爲



本而腫爲標。治當清肺金降氣爲主而行水次之。先脹而後喘者。主於脾。蓋脾土既傷不能制水。則邪反侵肺。氣不得降而生喘。此則腫爲本而喘爲標。治當實脾行水爲主而清金次之。  
煩燥

起卧不安。睡不穩。謂之煩。法宜清肺去痰。宜梔豉湯。竹葉石膏湯。一方見傷寒門燥者。顛狂恍惚之狀。宜硃砂安神丸。見局方

### 諸虛百損

頭目昏花。四肢痿軟。無力羸瘦。不長肌肉。少年氣血兩虛。色欲過度耳鳴者。宜服補陰丸。甚者大補陰丸。六味地黃丸。更穩。或瓊玉膏。中年氣血兩虛者。宜十全大補湯。

天王補心丹

老年血氣虛損者宜古菴心腎丹

還少丹

右

方俱見古方

括內

諸症補遺大都痰火症中所必有者採擇數款亦須以主治方中  
隨所見証依經絡量加一二味以治其標可也其間有闕畧者以  
俟後之君子參補焉

### 痰火厥症

一痰火嘔血成盆而過多者不思飲食肌肉漸削者此心氣已絕  
厥不治

一痰火左脇痛不能轉身者此乃肝葉已乾名爲乾血痛肝經已  
絕厥不治右脇痛服清肺化痰藥不止夜不能卧者此肺絕之

候不治。

一痰火喉痛。此胆火上炎。用治喉藥不効。至生瘡破皮。乃更攻咽。此療疾之不可救者。死不治。

一痰火聲啞。乃肺經已絕。死不治。

一痰火噤尖無肉。此脾經已絕。死不治。

一痰火泄瀉。飲食不化。此胃氣已絕。死不治。

一痰火咳逆吐食者。此胃火熾甚。脾氣受傷。多致不救。

### 痰火脉

按痰火之脉。以浮而芤濡虛大遲緩無力。沉而遲澹結代無力。皆虛而不足。外證自汗短氣喘促。或肢厥者。皆自屬脾肺腎三臟俱虛。

脈合其證此受補者也。若脈來絃長緊實外證痰實氣壅喘咳或煩或熱或咽痛或復見諸血此爲陰虛火動脈不合證此不受補者也。又按脈經曰骨蒸發熱脈數而虛熱而澹小必殞其軀。又曰勞極諸虛浮濡微弱上敗幾絃火炎等數。又曰諸病失血脈必見芤緩小可喜數大可憂。又曰病熱有火洪數可醫沉微無火無根難醫此皆言脈證之宜忌也。凡有干於痰火癆瘵之脈悉詳附之于后惟不切于此證者乃摘之。

### 浮

浮脈法天有輕清在上之象在卦爲乾在時爲秋在人爲肺。又曰毛太過則中堅旁虛如循雞羽病在外也。不及則氣來毛微病在

中也。脉訣言尋之如大過，乃浮兼洪緊之象，非浮脉也。

主病 浮脉爲陽，主表有力表實，無力表虛。浮遲中風，浮數風熱。

浮緊風寒，浮緩風溫，浮虛傷暑，浮芤失血，浮洪虛熱，浮散勞極。  
寸浮主頭痛眩暈，或風痰在胸。關主土衰木旺，尺主後便不通。

### 沉

沉脉法地，有淵泉在下之象。在卦爲坎，在時爲冬，在人爲腎。又爲石，亦曰營太過，則爲彈石。按之益堅，病在外也。不及則氣來虛微，去如數者，病在中也。脉訣言緩度三關，狀如爛綿者，非也。沉有緩數各部之沉，爛綿乃弱脉，非沉也。

主病 沉脉主裏，有力裏實，無力裏虛。沉則爲氣沉，清氣鬱，沉弱

寒熱沉緩寒溫沉緊冷痛沉牢冷積寸沉按得水停關沉主中  
寒腹痛尺沉主遺精白濁泄痢腎虛腰痛

遲

遲爲陽不勝陰故脈至不及脈訣言重手乃得是有沉無浮一息  
三至甚爲易見而曰隱隱狀且難是濇脈矣其謬可知然三至爲  
遲有力爲緩無力爲瀯有止爲結遲甚爲敗浮而更爲虛黎氏曰  
遲小而實緩大而慢遲爲陰盛陽虛緩爲衛盛營弱宜別之

主病 遲脈主臟有力冷痛無力虛寒浮遲表寒沉遲裏寒且主  
多痰沉痼癥瘕寸遲則上焦有寒關遲則中寒腹痛尺遲則後  
溲不禁腎虛腰痛重者

數

數爲陰不勝陽故脈來太過一息六至是也浮沉遲數脈之綱領數而絃爲緊流利爲滑數而有止爲促數甚爲極數見關中爲動脈

主病

數脈主腑有力爲實爲熱宜渴無力爲虛火爲相火宜補

浮數表熱沉數裏熱氣口數實病肺癰數虛爲肺痿寸數咽喉

口舌生瘡吐血咳嗽或肺生癰關數胃火肝火尺數則腎虛宜

滋陰降火

滑

滑爲陰氣有餘故脈來流利如水脈者血之腑也血盛則脈滑故

腎脉宜之氣盛則脉濇故肺脉宜之脉訣云按之即伏三關如珠不進不退是不分浮滑沉滑尺寸之滑也今正之

主病 滑脉爲陽主元氣虛寒痰飲宿食吐逆蓄血女子經調有孕寸滑主脇痰嘔吐吞酸舌強或咳嗽關滑主宿食肝脾積熱尺滑則渴痢瀉淋又曰滑主痰飲浮滑風痰沉滑食痰滑數痰火滑短宿食脉訣言關滑胃寒尺滑臍冷與脉經言關滑胃熱尺滑血蓄婦人經病之旨相反其謬如此

濇

濇爲陽氣有餘氣盛則血少故脉塞滯而肺脉宜之脉訣言指下尋之似有舉之全無與脉經所云絕不相干又曰細而遲短往來



難短且散一止復來。差年不調如輕刀刮竹如雨沾沙如病痿食葉又曰細遲短散時一止曰濇極細而更重按若絕曰微浮而柔細曰濡沉而柔細曰弱

王病 濇主血少傷精反胃亡陽多汗營中寒濕入營血痺婦人非孕無經寸濇主心虛胸痛關則胃虛脅脹尺爲精血俱傷腸結澀淋或爲下血又曰濇主血少傷精之病女人有孕爲胎病無孕爲敗血杜氏曰濇脈獨見尺中形同代爲芤脈

## 大

脈形寬大有力爲洪大無力爲虛

主病 大則病進爲元氣之賊浮大表病沉大裏病惟緩而大則

爲正脉也。

緩

緩脉小駛于遲。一息四至。如絲在經。不卷其軸。應指和緩。往來甚勻。如初春楊柳舞風之象。如風輕沾柳梢。緩脉在卦爲春。在時爲四季。在人爲脾。陽寸陰尺。上下同等。浮大而更無有偏勝者。平脉也。若非其時。卽爲有病。緩而和平。不浮不沉。不徐不疾者。卽有胃氣。故杜氏云。欲知死期。何以取。先賢推定五般土。陽土須知不過陰。陰土過陰當細數。

主病

緩脉主營氣衰。衛氣有餘。或風。或濕。或脾虛。上主項強。下

主痿痺。寸緩主項背拘牽。關主風眩。胃家虛弱。尺主濡泄。或風

秘脚筋無力。又曰浮緩爲風。沉緩爲濕。緩大風虛。緩細濕痺。緩清脾虛。緩弱風氣。脈訣言緩主脾熱口臭反胃齒痛夢鬼之病。出自杜撰與後無關。

芤

浮大而爽。按之中空。兩邊實。又曰中空外實。狀若慈蔥。劉氏芤脈何似。絕類慈蔥。指下成窟。有邊無中。戴氏云。營行脈中。脈以血爲形。芤脈中空脫血之象也。又曰芤形浮大。更如蔥。按之旁有中央空。火犯陽經。血上溢。熱侵陰絡。下流紅。脈經云。三部芤脈。長病得之生。卒病得之死。脈訣云。兩頭有中間無。是脈斷絕矣。又言主淋澀氣入小腸。與失血之候相反。誤世不小。

主病 寸主胸中積熱。關主腸內生癰。尺主下血赤淋。紅痢崩中。

濡

濡脈極要而浮。細如帛在水中。輕手相得。按之無力。如水上浮漚。謂如帛浮水中。重手按之。隨手而沒之象。脈訣按之似有。舉之還無。是微脈非濡也。又曰。濡形浮細。按須輕水而浮。綿力不禁。病後產中。從有藥。平人若見。是無根。浮細如綿曰濡。沉細如綿曰弱。浮而極細曰微。沉而極細不斷曰細。

主病 濡主亡血陰虛。肝田髓已虧。盜汗血崩。濕氣侵脾。寸濡主陽微自汗。關主氣虛。尺主傷精脫血。寒甚。法宜溫補。大都濡主血虛之病。又為傷濕。

弱

極與而沉按之乃得。舉手全無。又曰弱。乃濡之沉者。脈訣言。黎氏譬如浮瀝。皆是濡。非弱也。素問曰。脈弱以滑。是有胃氣。脈弱以澀。是爲久病。病後老弱見之順。平人少年見之逆。又曰弱來血力按之柔柔細而沉不見浮。陽陷入陰。精血弱。白頭猶可。少年愁王病。弱脈主陰氣虛。陽氣衰。惡寒發熱。筋骨痠軟。多驚多汗。精神減少。法當益氣調營。十二陽虛關王。胃弱脾衰。八王陽陷陰虛。又曰弱主氣虛之疾。仲景曰。陽陷入陰。故惡寒發熱。又曰弱主筋沉主骨。陽浮陰弱。血虛筋急。柳氏曰。氣虛則脈弱。寸弱陽虛。尺弱陰虛。關弱胃虛。

# 虛

遲大而與按之無力。隱指豁豁然空。崔氏曰：形大力薄，其虛可知。脈訣言：靜之不足，舉之有餘，止言浮脈，不見虛狀。楊氏曰：狀似柳絮散漫而遲滑。氏言散大而滯，皆是散脈，非虛也。又曰：舉之遲大，按之鬆脈，狀無涯類谷空。莫把芤虛爲一例。芤遲浮大似慈葱。又曰：虛脈浮大而遲，按之無力。芤脈浮大，按之中空。芤主脫血，虛主血虛。

主病 脈虛身熱，主傷暑自汗。怔忡驚悸，陰虛發熱。法當養營益衛。寸主血，不營心，關腹脹，以食入主骨蒸痺痿，傷精脫血。經曰：血虛脈虛，日氣來虛微爲不及，病在內。日久病脈虛者死。

細

細脉小于微而常有細直而栗若絲線之應指素問謂之小。王氏言如莠蓬狀其柔也。脉訣言往來極微是微反大於細矣。與經相背。又曰細來累累細如絲應指沉沉無絕期春夏少年俱不利秋冬老弱却相宜。

主病 細主血弱氣衰諸虛百損七情六極非濕侵腰腎則傷精汗血寸主嘔吐關主膨脹胃虛尺主丹田冷泄痢遺精陰血耗奪。脉經言細爲血少氣衰有此證則順否則逆故吐衄脉得沉細者生憂勞過度者脉亦細。

結

結脈往來緩時一止復來脈訣言或來或去聚而却還與結無關仲景有蠱蠱如循長竿曰陰結藹藹如車蓋曰陽結脈經又有如麻子動擺旋引旋收聚散不常有曰結主死此三脈名同實異也又曰結脈緩而時一止獨陰偏盛欲亡陽浮爲氣滯沉爲積汗下分明在主張。

主病 結脈主血凝氣滯老痰結滯內積外癰腫肺又曰結主陰盛之病越人曰結甚則積甚結微則積微浮結外有痛積伏結內有積聚。

代

代脈動而中止不能自還因而復動脈至還入尺良久方來脈一



息五至肺心脾肝腎五臟之氣皆是五汁動而一息合六谷之數  
謂之平脉反此則止乃見焉腎氣不能至則四十動一止肝氣不  
能至則三十動一止蓋一臟之氣衰而他臟之氣代至也經曰代  
則氣衰滑氏曰若無他病羸瘦脉代者危脉也有病而氣血乍損  
氣不能續者祇爲病脉傷寒心悸脉代者復脉湯主之妊娠脉代  
者其胎百日代之生死不可不辨李氏括曰數時一止名爲促緩  
止須將結脉看止不能回方是代結生代死自殊塗又曰促結之  
止無常數或二動三動一止卽來代脉之止有常數必依數而止  
還入尺中良久方來也。

主病 代脉元因臟氣衰腹痛泄瀉下元虧或爲吐瀉中宮病女

子懷胎三月分脉經曰代散者死主泄及臍痛

# 促

促脉來去數時一止復來如噉之趣徐疾不常脉經但言數而止爲促脉訣乃云分居寸口不言時止者謬矣數止爲促緩止爲結何獨寸口哉李氏曰促脉數時來一止此爲陽極欲亡陰二焦鬱火炎炎盛焦必無生退可生

主病 促脉惟得火病醫其因有五細推之時時喘咳皆痰積或發狂斑與毒瘡又曰促主陽盛之病促結之因皆有氣血痰食飲五者之別一有留滯則脉見止也

# 弦

弦脈端直以長如張弓。絃按之不移。綽綽如按琴瑟。絃狀若琴絃從中直過。挺然指下。絃脈在卦爲震。在時爲春。在人爲肝。輕虛以滑者平。實滑如循長竿者病。勁急如新張弓絃者死。池氏曰。絃緊而數。勁爲大過。絃緊而細。爲不及。戴氏曰。絃而軟。其病輕。絃而硬。其病重。脈訣言。時時帶數。又曰。脈緊狀繩牽。皆非絃象。今削之。又曰。土衰木旺。多怒欲叫。精霧泪出。李氏曰。弦來端直似絲。絃緊則如繩。左右彈緊。言其力。絃言象。牢緊絃長沉伏間。

主病 絃爲肝膽之脈。主痰飲。寒熱瘧疾。又主血弱勞傷。胃虛停飲。骨脅疼痛。肢體拘急。多驚。單弦病輕。雙弦惡痛。寸絃頭痛。多痰。左關絃。主寒熱癰瘕。右絃主胃寒。心腹滿。尺主陰痰。脚疾拘。

李又曰。絃爲木盛之病。浮弦文飲外溢。沉絃懸飲內痛。瘧脈自絃。絃數多熱。絃遲多寒。絃大主虛。絃細拘急。陽絃頭痛。陰絃腹痛。單絃飲醉。雙絃寒癰。若不食者。木來尅土。病必難治。

### 緊

緊脈來往有力。左右彈人手。如轉索。無常數。如切繩。如糾單線。又曰。緊乃熱如爲寒來之脈。故急數如此。要有神氣。素問謂之急脈。訣言寥寥。入尺來。崔氏言如線。皆非緊狀。或以浮緊爲絃。沉緊爲牢。亦近似耳。又曰。舉如轉索。如切繩。脈象因之得緊名。揔是寒邪來作。寇內爲腹痛。外身疼。

### 主病

緊主諸痛。爲寒。喘咳風癰。冷痰。浮緊表寒。沉緊裏寒。人迎

緊盛傷寒。氣口緊盛傷食。關王心腹疼痛。尺主陰冷。奔豚痛。病  
又曰浮緊中惡。沉緊欬嗽。

實

實脈浮沉皆得。脈大而長。微絃。應指愒愒然。愒愒然。實貌。脈訣言。  
如繩應指來。乃緊脈。非實也。又曰浮沉皆得大而長。應指無虛愒。  
愒強熱。三焦成壯。大通腸發汗。始能康。又曰實脈浮沉有力強。  
緊如彈索。轉無常。須知牢脈。幫筋骨。實大微絃。更帶長。

主病 實脈爲陽大鬱成。發狂譫語。吐衄頻。爲陽毒。或傷食。大便  
不通。或氣疼。寸實主面赤生風。咽痛。舌強。骨中氣塞。關主脾熱。  
中滿。尺主腰腹腸間。痛而不通。經曰血實脈實。曰脈實者。水穀

爲病。日氣來實強。是爲太過。脉訣言尺實小便不禁。與厥尺實  
小腹痛小便難之說。何及。潔古不知其謬。訣爲虛寒。用姜附愈  
悞矣。

### 長

長脉不大不小。迢迢若如循長竿。未稍爲平。如引繩如循長竿曰  
病。又曰長有三部之長。一部之長在時爲春。在人爲肝。心肝長神  
強壯。臂脉長蒂固根深。經曰長則氣治。皆言平脉也。又曰過于本  
位脉名長。絃則非然。但滿張絃脉與長爭較遠。良工尺度自能量。  
實牢絃緊皆兼長脉。

主病

長脉迢迢大小勻。反常爲病似牽繩。若非陽毒癰癩病。卽

是陽明熱勢深大都長主有餘之病

### 洪

洪脉指下極大來盛去衰洪脉在卦爲離在時爲夏在人爲心素問謂之大亦曰鉤滑氏曰來盛去衰如鉤之曲上而復下應血脉來去之象象萬物敷布下垂之狀詹氏謂如環珠者非脉訣云季夏宜之秋季冬季發汗通腸俱非洪脉所宜蓋謬也李氏曰脉來洪盛去還衰蒲指滔滔應夏時若在春秋冬月分升陽散大莫脈疑又曰洪脉來時拍拍然去衰來盛似波瀾欲知實脉參差處舉按絃長幅幅堅

### 主病

脉洪陽盛血應虛相火炎炎熱病者脹滿胃翻須早治陰

虛泄痢可愁如寸洪心火上焦炎肺脈洪時金不堪肝火內虛  
關內察腎虛陰火入中看又曰洪主陽盛陰虛之病泄痢失血  
久嗽者忌之經曰形瘦脈大多氣者死又曰大則病近

### 微

微脈極細而與按之如欲絕若有若無細而稍長素問謂之小氣  
血微則脈微又曰輕診可見按之欲絕者微也往來如線而常有  
者細也仲景曰脈營營如羹上肥者陽氣微縈縈如蛛絲細者陰  
氣衰長病得之死卒病得之生

主病 氣血微者脈亦微惡寒發熱汗淋漓胃弱勞極諸虛候女  
作筋中帶下醫寸微氣促或心驚關脈微時脹滿形尺部見之



精血弱。惡寒消痺痛。呻吟。又曰微主久虛。血弱之病。陽微惡寒。陰微發熱。脈訣云。崩中日久。成白帶。漏下多。時首木枯。

動

動乃數脈。見于上下。血頭血尾。如豆厥厥動。摯仲景曰。陰陽相搏。名曰動。陽動則汗出。陰動則發熱。形冷惡寒。此三焦傷也。成無已曰。陰陽相搏。則虛者動。故陽虛則陽動。陰虛則陰動。龐氏曰。關前三分爲陽。關後二分爲陰。當關之位。半陰半陽。故動由虛見。又曰。動脈搖搖數在關。無頭無尾。豆形圓。其原本是陰陽搏。虛者搖。今勝者安。脈訣言。尋之似有。舉之還無。不離其處。不往不來。三關沉沉。含糊謬矣。殊非動脈。詹氏言其形鼓動如鉤。如毛者。尤謬。

主病

動脈專司痛與驚汗因陽動熱因陰或爲泄痢拘挛瘧疾

子亡精女子胎

牢

牢脈似沉似伏實大而長微絃扁鵲曰牢而長者肝脈也仲景曰寒則牢堅有牢固之象沈氏曰似沉似伏牢之位也實大絃長牢之體也脈訣不言形狀但云尋之則無按之則有云脈入皮膚辨息難又以牢爲死脈皆孟浪謬誤李氏曰弦長實大脈牢堅牢位常居沉伏間革脈乳絃自牢起革虛牢實要詳看

主病

寒則牢堅裏有餘腹心寒痛木乘脾疝癰癥瘕何愁也失

血陰虛却忌之又曰牢主寒實之病木實則爲痛扁鵲云與爲

虛牢爲實。失血者。脈宜沉細。反浮大而牢者死。虛病見實脈也。  
脈訣言。骨間疼痛。氣居于表。池氏以爲腎傳于脾。皆謬妄不經。

### 散

散脈大而散。有表無裏。渙漫不收。無統紀。無拘束。至數不齊。或多  
來去少。或去多來少。渙漫不收。如楊花散漫之象。又曰散似楊花  
散漫。能去來無定。至難齊。產爲生兆。胎爲墮。久病逢之。不必醫。戴  
氏曰。心脈浮大而散。肺脈短澹而散。平脈也。心脈與散怔忡。肺脈  
與散汗出。肝脈與散溢飲。脾脈與散脘腫。病脈也。若腎脈與散。諸  
病脈代散死脈也。難經曰。散脈獨見則危。柳氏曰。散爲氣血俱虛。  
根本脫離之脈。產婦得之生。孕婦得之墮。李氏曰。散脈無拘散漫。

然濡來浮細水中綿浮而遲大爲虛脈。芤脈中空有兩邊。

主病

左寸怔忡右寸并溢飲左關應散漫右關更散肝腫溺散

居兩尺竟應斷。

### 診壽數

戴氏曰。脈必滿十動。出自難經。而脈訣五臟歌。皆以四十五動爲準。乖于經旨。柳氏曰。古以動數候脈。是喫緊語。須候五十動。乃知五臟缺失。今人指到腕臂。卽云見了。夫五十動。豈彈指間事耶。故學者當診脈。問證。聽聲。觀色。斯備四診而無失。

五十不止身無病。數內有止皆知定。四十一止一臟絕。四年之後多亡命。三十一止卽三年。二十一止二年應。十動一止一年。

更觀氣色兼形證。

兩動一止三四日三四動止應六七五六一止七入朝。大第推

之自無失。

六臟六腑用藥氣味補瀉

肝膽溫補京瀉  
辛補酸瀉

心小腸熱補寒瀉  
酸補甘瀉

肺大腸涼補溫瀉  
酸補辛瀉

腎膀胱寒補熱瀉  
苦補酸瀉

脾胃熱補寒瀉  
命門同此其補苦瀉其宜

張元素曰五臟更相平也。一臟不平所勝平之故云。安穀則昌。絕穀則亡。水去則營散。穀消則衛亡。神無所居。故血不可不養。衛不可不溫。血溫氣和。營衛乃行。常有天命。

五臟五味補瀉

肝○苦○急○急食甘緩之

甘草

以酸瀉之

赤芍藥

實則瀉其子

非草

○欲散急食辛以散之

川芎

以辛補之

細辛

虛則補其母

地黃黃藥

心○苦○緩○急食酸以收之

五味

以甘瀉之

甘草

實則瀉其子

甘草

○欲奠急食鹹以奠

辛硝

以鹹補之

澤瀉

虛則補其母

生薑

脾○苦○濕○急食以燥之

白朮

以苦瀉之

黃連

實則瀉其子

桑白皮

○欲緩急食甘以緩之

炙甘草

以甘補之

人參

虛則補其母

枳實

肺○苦○氣逆急食苦以泄之

訶子

以辛瀉之

桑白皮

實則瀉其子

澤瀉

○欲收急食酸以收之

白芍藥

以酸補之

五味

虛則補其母

五味

腎○苦○燥急食辛以潤之

黃藥

以鹹瀉之

澤瀉

實則瀉其子

芍藥

○欲墜。急食苦以堅之。知母以苦補之。黃藥虛則補其母。五味  
張元素曰。凡藥之五味。隨五臟所入而爲補瀉。亦不過因其性而  
調之。酸入肝。苦入心。甘入脾。辛入肺。鹹入腎。辛主散。酸主收。甘主  
緩。苦主墜。鹹主硬。辛能散結潤燥。致津液通氣。酸能收緩。欬散。甘  
能緩急。調中。苦能燥濕。堅硬。鹹能硬堅。淡能利竅。○李氏曰。甘緩  
鹹收。苦燥。辛散。鹹硬。淡滲。五味之本性一定而不變者也。其或補  
或瀉。則因五臟四時而迭相施用者也。溫涼寒熱。四時之本性也。  
其子五臟補瀉。亦迭相用也。此特潔古張氏因素問飲食補瀉之  
義。舉數藥以爲例耳。學者宜因意而充之。

臟腑虛實標本用藥式

◎肝藏血屬木膽火寄于中主血主目主筋主呼主怒

本病諸風眩暈逆僵仆強直驚悸兩脇腫痛胸脇滿痛嘔血小腹疝  
痛瘕瘕女人經病

標病寒熱瘧頭痛吐涎目赤面青多怒耳閉頰腫筋牽卵縮丈夫  
癰女人少腹腫痛陰病

有餘瀉之

瀉子  
非草

行氣  
香附 芎藭 羌活 獨活 秦艽 牽牛

行血  
紅花 大黃 水蛭 桃仁 蟅蟲 蘇木 乳香 沒藥 穿山甲

鎮驚  
雄黃 金箔 硃砂 真珠 代赭石 夜明砂 胡粉 銀箔 絡石 龍骨 石決明



搜風

羌活 荊芥 薄荷 槐子 蔓荊子 白花蛇 獨活  
防風 皂角 烏頭 白附子 僵蚕 蜈蚣

不足補之

補母

枸杞 杜仲 狗脊 熟地黃  
苦參 蘼藟 阿膠 兔耳子

補血

當歸 牛膝 續斷 白芍  
血竭 沒藥 芫花

補氣

天麻 柏子仁 白朮 菊花 細辛  
蜜蒙花 決明 穀精草 生薑

本熱寒之

瀉木

芍藥 烏梅  
澤瀉

瀉火

黃連 龍胆草 黃芩  
苦茶 猪胆

攻裏

大黃

標熱發之

新解

柴胡

半夏

解肌

桂枝

麻黃

◎心藏神為君火包絡為相火代君行令主血主言主汗主笑

本病諸熱發癰驚或譫語煩亂啼笑罵詈怔忡健忘自汗諸痛痒

瘡瘍

標病肌熱惡寒戰慄舌不能言面赤目黃心煩熱胸脇滿痛引腰

背肘臂

火實瀉之

瀉子

黃連

大黃

氣

甘草

人參

赤茯苓

木通

黃蘗

血

丹參 丹皮 生地黃 玄參

鍾驚

朱砂 牛黃 紫石英

神虛補之

補母

細辛 烏梅 酸棗仁 陳皮 生薑

氣

桂心 澤瀉 白茯苓 伏神 遠志 石菖蒲

血

當歸 乳香 熟地黃 沒藥

本熱寒之

瀉火

黃芩 竹葉 麥冬 芩 枳殼 枳實

涼血

地黃 梔子 天竺黃

標熱發之

散火

甘草

獨活

麻黃

柴胡

龍腦

◎脾藏智。屬土。為萬物之母。主營衛。主味。主肌肉。主四肢。

本病諸濕腫脹。痞滿噎氣。大小便閉。黃疸痰飲。吐瀉霍亂。心腹痛。

飲食不化。

標病身軀。臍腫重困。嗜臥四肢不舉。舌本強痛。九竅不通。

土實瀉之

瀉子

訶子

防風

桑白皮

葶藶

吐

豆豉

梔子

蘿蔔子

常山

瓜蒂

鬱金

下

荳汁

藜蘆

苦參

赤小豆

鹽湯

苦茶

土虛補之

大黃

芫花

芸硝

青蒙石

大戟

井遂

續隨子

氣

人參 黃耆 升麻 葛根 甘草 陳皮

血

藿香 薤白 蒼朮 白朮 白芍 膠飴 大棗 乾薑 木瓜 烏梅 蜂蜜

本濕除之

燥中宮

白朮 蒼朮 橘皮 半夏 吳茱萸 南星

潔淨府

木通 赤茯苓 猪苓 藿香

標濕滲之

開鬼門

葛根 蒼朮 麻黃 獨活

◎肺藏魄。屬金。攝一身之氣。主聞。主哭。主皮毛。

本病。諸臍。諸痿。喘。嘔。氣促。咳嗽。上逆。欬。唾。膿。血。不得臥。小便數。

而久遺失不禁。

標病瀉漸寒熱傷風自汗身痛發熱臂痠瘰癧

氣實瀉之

瀉子

澤瀉

葶藶

桑白皮

地骨皮

除濕

半夏

白礬

白茯苓

薏苡仁

木瓜

橘皮

瀉火

梗米

石膏

寒水石

知母

調子

通滯

枳殼

薄荷

乾薑

木香

厚朴

氣虛補之

補母

甘草

人參

升麻

黃耆

山藥

潤燥

蛤蚧

阿膠

麥門冬

貝母

欬肺

烏梅

栗壳

五味子

芍藥

五倍子

本熱清之

清金

黃芩 知母 麥門冬 天門冬 梔子 沙參

本寒溫之

溫肺

丁香 薤白 款冬花 橘紅 白豆蔻 益母 縮砂 糯米 百合

標寒散之

解表

麻黃 葱白 紫蘇

◎醫藏志。傷水為天一之源。王聽。王骨。王二陰。

本病諸寒厥逆。骨痠腰痛。腰冷如冰。足胫腫寒。小腹滿急。疝瘕大。

便閉泄吐。利腥膿水。液澄徹。清冷不禁。消渴引飲。

標病發熱不惡熱。頭眩頭痛。咽痛舌燥。脊股後廉痛。

水強瀉之

瀉子

大戟 牽牛

瀉肺

澤瀉 猪苓 車前子 防己 茯苓

水弱補之

補母

人參 山藥

氣

知母 玄參 補骨脂 砂仁 苦參

血

黃蘗 枸杞 熟地黃 瑣陽 肉蓯蓉  
山茱萸 阿膠 五味子

本熱攻之

下

傷寒少陰證日燥咽乾大承氣湯

本寒溫之



溫裏

附子 乾薑 官桂 蜀椒 白朮

解表

麻黃 細辛 獨活 桂枝

標熱涼之

清熱

玄參 連翹 甘草 猪膏

◎命門為相火之源。天地之始。藏精生血。降則漏。升則為風。王三

焦元氣

本病。前後脛閉。氣逆裏急。疝痛奔豚。消渴。癰淋。精澀。精寒。赤白濁。

溺血。崩中。帶漏。

火強瀉之

瀉相火

黃蘗 知母 陸丹皮 地骨皮  
生地黃 茯苓 玄參 寒水石

火弱補之

益陽

附子

肉桂

益智

破故紙

沉香

細辛

川烏

硫黃

天雄

烏藥

陽起石

別錄

巴戟天

丹砂

當歸

蛤蚧

覆盆

精脫固之

澁滑

杜蘅

芡實

金櫻子

五味子

遠志

蛤粉

山茱萸肉

◎三焦為相火之用。分布命門元氣。主升降出入。遊行天地之間。

總飲五臟六腑營衛經絡。內外上下左右之氣。號中清之府上。

主納中主化下主出。

本病諸腎癰。暴病暴死。暴瘡。躁擾狂越。譫妄驚駭。諸血溢。血泄。諸。

氣逆衝上。諸瘡瘍疽疹癰核。

上熱則喘滿。諸嘔吐酸。胃痞者。痛。飲食不消。頭上出汗。

中熱則舍機而瘦。解休中滿。諸脹腹大。諸病有聲。鼓之如鼓。上

下關格不通。霍亂吐利。

上寒則吐飲食。痰水胸痺。前後引痛。食已還出。

中寒則飲食不化。寒脹反胃。吐水濕不渴。

下寒則二便不禁。臍腹冷痙瘕。

標病惡寒戰慄如喪神守。耳鳴耳聾。眩腫喉痺。諸病腫疼。酸驚駭。

手小指次指不用。

實火瀉之。

汗

麻黃

柴胡

葛根

荆芥

升麻

薄荷

羌活

石膏

吐

瓜蒂 滄鹽 藟

下

大黃 芒硝

一

虛火補之

上

人參 天雄 桂心

中

人參 黃耆 丁香 木香 草菓

下

附子 桂心 硫黃 人參 沉香  
烏梅 破故紙

本熱寒之

上

黃芩 連翹 梔子 知母 玄參 石膏

中

黃連 連翹 生地黃 石膏

下

黃蘗 知母 生薑 石膏  
牡丹皮 地骨皮



本熱平之

降火

黃連 黃芩 芍藥 連翹 甘草

鎮驚

黑錫 水銀

標熱和之

和解

柴胡 芍藥 黃芩 半夏 甘草

◎胃屬土王容受為水谷之海

王同脾

本病噎膈反胃中滿腫脹嘔吐瀉痢霍亂腹痛消中善饑不消食  
傷飲食胃管當心痛支兩脇

標病發熱蒸蒸身熱寒熱狂譫譫痺上齒痛目眼喎斜鼻痛鼽  
衄赤

胃實瀉之

大黃 芒硝

濕熱

飲食

巴豆 神麴 山楂 阿膠 礞石  
藜蘆 三稜 輕粉

胃虛補之

蒼朮 白朮 半夏 茯苓 橘皮 生薑

濕熱

寒濕

乾薑 附子 草薢 官桂 丁香 兩豆蔻

本熱寒之

降火

石膏 地黃 犀角 黃連

標熱解之

解肌

升麻 葛根 豆豉

◎大腸屬金。主變化為傳送之官

本病大便秘結泄痢下血裏急後重疝痔脫肛腸鳴而痛

標病齒痛喉痺頸腫口乾咽中如核癰腫目黃手大指次指痛宿

食發寒慄

腸實瀉之

熱

大黃 芒硝 槐花 牽牛 巴豆 郁李仁

氣

枳殼 木香 橘皮 檳榔

腸虛補之

氣

白芍

燥

杏仁 麻仁 杏仁 地黃 乳香 木子 當歸  
肉蓯蓉



濕 白朮 蒼朮 半夏 硫黃

陷 升麻 葛根

脫 龍骨 白堊 訶子 栗殼 烏梅 白礬  
赤石脂 禹餘糧 石榴皮

本熱寒之

清熱 秦艽 槐角 地黃 黃芩

本寒溫之

溫裏 乾薑 附子 肉豆蔻

標熱散之

解肌 石膏 白芷 升麻 葛根

◎小腸主分泌水穀利小便短小便閉小便血小便自利大便後

血。小腸氣痛。宿食夜熱。且止。

標病。身熱惡寒。嗌痛。頰腫。口糜耳聾。

實熱瀉之。

氣。木通 檳榔 滑石 瞿麥 澤瀉 燈草

血。地黃 蒲黃 赤茯苓 梔子 牡丹皮

虛寒補之。

氣。白朮 煨薑 茴香 砂仁 神麴 扁豆

血。桂枝 玄胡索

本熱寒之。

降火。黃蘗 黃芩 黃連 連翹 梔子

標熱散之

解肌

藁本 羌活 防風 蔓荊

◎膀胱王津液爲泡之府氣化乃能出號州都之官諸病皆干之本病小便淋瀝或短數或黃赤或白或遺失或氣痛標病發熱惡寒頭痛腰脊強鼻窒足小趾不用

實熱瀉之

瀉火

滑石 猪苓 澤瀉 茯苓

下虛補之

熱

黃蘗 知母

寒

桔梗 升麻 益智 烏藥 山茱萸

原缺